



KEMENTERIAN TENAGA DAN SUMBER ASLI

## KERATAN SURAT KHABAR

SURAT KHABAR	:	METRO AHAD			
TARIKH	:	1/8/2021 (AHAD)	MUKA SURAT	:	14
JABATAN	:	PERHILITAN			



SUSPEK dan barangan yang dirampas dibawa ke Balai Polis Senggarang untuk proses dokumentasi.

# PECUT KE KAWASAN LADANG SAWIT

*Dua lelaki cuba seludup burung murai batu, murai kampung ke negara jiran ditahan dalam Op Benteng Covid-19*

Oleh Essa Abu Yamin  
am@hmetro.com.my

**Batu Pahat**

Pasukan Polis Marin Wilayah Dua berjaya menumpaskan sindiket menyeludup burung murai batu dan burung murai kampung ke negara jiran bernilai RM121,300, kelmarin.

Komander PPM Wilayah Dua Asisten Komisioner Muhd Zailani Abdullah berkata, dalam Op Benteng Co-

vid-19 pada jam 3.40 petang itu, polis mengesan sebuah van dalam keadaan mencurigakan di kawasan tepi laut di Parit Botak.

"Menyedari kehadiran pasukan serbuan, pemandu memecut kenderaannya hingga ke kawasan ladang sawit di Kampung Baru, Senggarang.

"Ketika pasukan serbuan menghampiri kenderaan itu, pemandu melarikan diri," katanya.

Muhd Zailani berkata, polis kemudiannya meluas-

kan kawasan pencarian bagi mengesan suspek sebelum berjaya memberkasnya.

"Hasil soal siasat yang dilakukan, suspek mengaku bertindak sebagai pengurus penghantaran burung ke negara jiran.

"Suspek dan semua barang rampasan dibawa ke Balai Polis Senggarang untuk proses dokumentasi.

"Seorang lelaki tempatan menyerahkan diri dan mengaku terbabit secara langsung

dalam kegiatan berkenaan sebagai penghantar yang menggunakan van yang dirampas itu," katanya.

Menurutnya, polis menahan dua lelaki tempatan berusia 23 dan 29 tahun itu serta berjaya merampas 206 ekor burung murai batu, 680 ekor burung murai kampung, van dan motosikal.

"Kes disiasat di bawah Seksyen 60(2) Akta Hidupan Liar 2010 dan kesalahan memabitkan spesies Common Shama (Co-

psychus malabaricus) melebihi 20 kepala.

"Jika sabit kesalahan boleh dikenakan hukuman denda tidak lebih daripada RM50,000 atau penjara tidak lebih tiga tahun atau kedua-duanya sekali," katanya.

**RM121,300**

Nilai 206 ekor burung murai batu, 680 ekor burung murai kampung dirampas

Unit Komunikasi Korporat | Kementerian Tenaga dan Sumber Asli  
No. Tel. : 03-8000 8000 | Faks : 03-8889 4763 | Web : [www.ketsa.gov.my](http://www.ketsa.gov.my)

